

AKTI THEMELIMI

I SHOQËRISË ME PËRGJEGJËSI TË KUFIZUAR

“DHOMA SHQIPTARE E ARBITRAZHIT” SH.P.K

NENI 1

Sot në datë 09.05.2022 themelohet shoqëria tregtare me përgjegjësi të kufizuar “**DHOMA SHQIPTARE E ARBITRAZHIT**” sh.p.k mbështetur në Kodin Civil, Kodin e Punës, në ligjin nr. 9901, datë 14.4.2008 “Për Tregtarët dhe Shoqëritë Tregtare” i ndryshuar, ligjin nr. 131/2015 “Për Qendrën Kombëtare të Biznesit” i ndryshuar, në ligjin nr. 9723, datë 3.5.2007 “Për Regjistrimin e Biznesit”, ligjin nr. 9121, datë 28.7.2003, “Për Mbrojtjen e Konkurrencës”, me ortak themelues si vijon:

Indrit Sefa, i biri i Shpëtim-it dhe Emine, i datëlindjes 27.10.1987 lindur dhe banues në Lushnje në adresen, Rr. “Fan NOLI”, person madhor, me zotësi të plotë juridike për të vepruar, identifikuar me nr. personal I71027094R;

Se Junior KAZAZI, i biri i Ildir-it dhe Suela, i datëlindjes 20.09.1995 lindur dhe banues në Durrës në adresen, Lgj: Nr.1 Currila, person madhor, me zotësi të plotë juridike për të vepruar, identifikuar me nr. personal J50920086P;

NENI 2

SELIA E SHOQËRISË

1. Selia e Shoqërisë ndodhet në Qytetin e Tiranës në adresën: Njësia Administrative Nr.5, Rruga “Muharrem Butka” Nd.20, Hyrja 3, Ap.15.
2. Shoqëria ka të drejtë të hapë filiale të tjera brenda territorit të Republikës së Shqipërisë ashtu edhe jashtë vendit, në varësi të selisë Qendrore që ndodhet në qytetin e Tiranës.

NENI 3

KOHËZGJATJA E AKTIVITETIT TË SHOQËRISË


1. Kohëzgjatja e shoqërisë do të jetë e pakufizuar dhe fillon nga momenti i regjistrimit të saj në Qendrën Kombëtare të Biznesit me përjashtim të rasteve kur mbaron sipas parashikimeve në ligj ose kur vendos Asambleja e Përgjithshme.

NENI 4

OBJEKTI I VEPRIMTARISË

Objekti i veprimtarisë së shoqërisë do të jetë:

- Shërbime arbitrazhi, ekspertizë kontraktuale, pajtim dhe ndërmjetësim në lidhje me marrëdhëniet tregtare, apo të çdo lloji që mund t'i nënshtrohet procedurës së arbitrazhit, qoftë kombëtare e qoftë ndërkombëtare, brenda dhe jashtë vendit. Emëron arbitrat dhe ekspertët në procedimet arbitrare, nëse kërkohet nga palët. Ngritja e kolegeve të arbitrave dhe strukturave të arbitrimit dhe ndërmjetësimit/pajtimit. Promovim i të gjitha iniciativave për ndjekje të procedurave të arbitrazhit dhe të pajtimit për zgjidhjen në arbitrazh të mosmarrevëshjeve midis operatorëve ekonomik. Promovimi i të gjitha iniciativave me Ente Publike dhe private lidhur me procedurat e arbitrazhit dhe të pajtimit jashtëgjyqësor. Administron procedimet e arbitrazhit, rituale dhe jo rituale, në përputhje me Rregulloren. Çdo aktivitet tjetër të lidhur me aktivitetin kryesor.

 1

NENI 5
KAPITALI I SHOQËRISË


1. Kapitali i shoqërisë ka vlerën 10.000 (dhjetë mijë) lekë i cili ndahet në 2 kuota, me vlerë respektive 5.000 (pesëmijë) lekë.
2. Kapitali i shoqërisë mund të zmadhohet, me vendim të Asamblesë së Përgjithshme. Në rast zmadhimi të kapitalit nëpërmjet shtimit të kuotave të reja, ortakët kanë të drejtën e përparësisë në nënshkrim, proporcionalisht me shumën e kuotave të tyre, e drejtë nga e cila ata mund të heqin dorë.
3. Kapitali i shoqërisë, mund të zvogëlohet me vendim të Asamblesë së Përgjithshme. Zvogëlimi i kapitalit i prek të gjithë ortakët në të njëjtën masë ndaj kuotave të kapitalit që ata përfaqësojnë. Kapitali nuk mund të zvogëlohet nën kufirin minimal që lejon ligji "Për tregtarët dhe shoqëritë tregtare".

NENI 6
KONTRIBUTET


1. Kapitali i shoqërisë, zotërohet nga ortakët e shoqërisë, Indrit SEFA dhe Se Junior KAZAZI si vijon:
 - Ortaku Indrit SEFA zotëron 50% të të gjithë vlerës së kapitalit, të përbërë nga 1 kuota, me vlerë totale prej 5.000 lekë;
 - Ortaku Se Junior KAZAZI zotëron 50% të të gjithë vlerës së kapitalit, të përbërë nga 1 kuota, me vlerë totale prej 5.000 lekë;

NENI 7
ASAMBLEJA E PËRGJITHSHME

1. Çdo ortak ka të drejtë të marrë pjesë në mbledhjet dhe vendimet e asamblesë së Përgjithshme, dhe disponon një numër votash të barabartë me kuotat e kapitalit që ai zotëron.
2. Ortaku mund të përfaqësohet në asamblenë e përgjithshme, në bazë të një autorizimi nga bashkëshorti ose një person tjetër i zgjedhur prej tij, me kusht që këta të jenë autorizuar me prokurë (përfshihet përfaqësimi i një ortaku nga një ortak tjetër apo administratori i shoqërisë).
3. Administratorët e shoqërisë nuk mund të veprojnë si përfaqësues të ortakëve në asamblenë e përgjithshme.
4. Autorizimi mund të jepet vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëjtin rend dite.
5. Asambleja e Përgjithshme thirret nga administratorët, ekspertet kontabël të autorizuar, po që se ka të tillë, nga likuiduesit apo ortakët, të cilët përfaqësojnë të paktën 5 për qind të totalit të votave në asamblenë e përgjithshme të shoqërisë. Këta ortakë mund t'i drejtojnë administratorëve një kërkesë me shkrim, përfshirë postën elektronike, për të thirrur asamblenë e përgjithshme dhe/ose përfshirjen e çështjeve të posaçme në rendin e ditës. Kërkesa duhet të përmbajë arsyet, objektivat dhe çështjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë ta thërrasin asamblenë dhe të caktojnë çështjet e rendit të ditës. Njoftimi do të bëhet me shkresë, ose nëpërmjet postës elektronike.
6. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.
7. Nëse në kundërshtim me pikën 5 të këtij neni, asambleja e përgjithshme nuk thirret, ose çështja e kërkuar prej këtyre nuk futet në rendin e ditës, secili prej ortakëve, që kanë bërë



- kërkesën, ka të drejtë të procedojë sipas ligjit në fuqi "Për Tregtarët dhe Shoqëritë Tregtare".
8. Lajmërimi për mbledhjen e asamblesë së përgjithshme rregullisht bëhet nga administratorët.
 9. Asambleja e Përgjithshme merr vendime për çështjet e mëposhtme dhe është përgjegjëse për to:
 - a) Përcaktimin e politikave tregtare të shoqërisë; ndryshimet e statutit;
 - b) Emërimin dhe shkarkimin e administratorëve të shoqërisë;
 - c) Emërimin e shkarkimin e likuiduesve dhe të ekspertëve kontabël të autorizuar;
 - d) Përcaktimin e shpërblimeve për administratorët, likuiduesit dhe të ekspertëve kontabël të autorizuar;
 - e) Mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 - f) Miratimin e pasqyrave financiare vjetore dhe të raporteve të ecurisë së veprimtarisë (pas marrjes dhe shqyrtimit të dokumentacionit përkatës);
 - g) Zmadhimin dhe zvogëlimin e kapitalit (pas marrjes dhe shqyrtimit të dokumentacionit përkatës);
 - h) Pjesëtimin e kuotave dhe anulimin e tyre;
 - i) Përfaqësimin e shoqërisë në gjykatë e në procedimet e tjera ndaj administratorëve;
 - j) Riorganizimin dhe prishjen e shoqërisë;
 - k) Miratimin e rregullave procedurale të mbledhjeve të asamblesë;
 - l) Çështje të tjera të parashikuara nga ligji.
 10. Të gjitha vendimet e marra nga Asambleja e Përgjithshme regjistrohen në një regjistër të vendimeve, të dhënat e të cilit nuk mund të ndryshohen ose të fshihen.
 11. Duhet regjistruar në veçanti, por pa u kufizuar në to, vendimet për:
 - a) Miratimin e pasqyrave financiare vjetore dhe të raporteve të ecurisë së veprimtarisë;
 - b) Shpërndarjen e fitimeve vjetore dhe mbulimin e humbjeve;
 - c) Investime;
 - d) Vendimet për riorganizimin dhe prishjen e shoqërisë.
 12. Vendimet e parregjistruara në regjistrin e vendimeve janë absolutisht të pavlefshme.
 13. Sipas rëndësisë së vendimeve, mbledhja e asamblesë së përgjithshme mund të jetë e zakonshme ose e jashtëzakonshme.
 14. Asambleja përgjithshme vendos me shumicë të zakonshme për çështje të tilla si emërimi ose shkarkimi i administratorëve, ekspertëve kontabel të autorizuar dhe likuiduesve, miratimi i raporteve të administrimit dhe të kontrollit, miratimi i pasqyrave financiare vjetore. Asambleja mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 50% të kuotave dhe vendimet merren me më shumë se gjysmën e votave të ortakëve pjesëmarrës.
 15. Asambleja e përgjithshme vendos me shumicë të kualifikuar për çështje të tilla si ndryshimet e statutit, zvogëlimi dhe zmadhimi i kapitalit themeltar, kalimi tek të tretët, zgjatja e kohës së veprimtarisë së shoqërisë apo likuidimi i saj, shndërimi i shoqërisë me përgjegjësi të kufizuar në shoqëri të formave të tjera, ndarja e fitimeve si dhe çdo çështje tjetër që parashikohet në ligj. Marrja e vendimeve të vlefshme bëhet vetëm nëse ortakët që zotërojnë më shumë se 70% e kuotave janë të pranishëm, votojnë me shkresë apo mjete elektronike. Në këtë rast vendimet merren me $\frac{3}{4}$ e votave të ortakëve pjesëmarrës.
 16. Nëse asambleja e përgjithshme nuk mund të mbledhet për shkak të mungesës së kuorimit të përmendur në këtë pikë, të këtij neni, asambleja mbledhet përsëri jo më vonë se 30 ditë, me të njëjtin rend dite.



NENI 8 ADMINISTRIMI

1. Shoqëria administrohet nga një ose më shumë administratorë të cilët janë persona fizikë të zgjedhur brenda bashkësisë së ortakëve apo dhe jashtë saj.
2. Asambleja e Përgjithshme emëron një ose më shumë persona fizikë si administratorë të shoqërisë. Afati i emërimit, është 5 vjet, me të drejtë ripërtëritjeje, me përjashtim të rastit të dorëheqjes ose të shkarkimit të parakohshëm para mbarimit të afatit. Shkarkimi i administratorëve nga organi kompetent mund të bëhet në çdo kohë.
3. Emërimi i administratorëve prodhon efekte pas regjistrimit në Qendrën Kombëtare të Biznesit.
4. Administratorët emërohen dhe shkarkohen me vendim të asamblesë së përgjithshme sipas parashikimit në këtë statut.

NENI 9 KOMPETENCAT E ADMINISTRATORËVE


1. Administratorët kanë të drejtë e detyrohen të:
 - a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga asambleja e përgjithshme;
 - b) përfaqësojnë shoqërinë tregtare;
 - c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
 - d) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
 - e) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
 - f) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin "Për Qendrën Kombëtare të Biznesit";
 - g) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
 - h) kryejnë detyra të tjera të përcaktuara në ligj dhe në statut.
2. Administratorët janë të detyruar të thërrasin asamblenë e përgjithshme persa parashikon ky statut ose ligji.
3. Asambleja e përgjithshme mund të shkarkojë administratorin në çdo kohë me shumicë të zakonshme.

NENI 10 EMËRIMI I PARË I ADMINISTRATORËVE

1. Administrator i shoqërisë për periudhën 5-vjeçare emërohen ortakët
- **Indrit SEFA**, i identifikuar me ID me Nr. 033296158 dhe me Nr Personal 171027094R.
2. Administratori emërohet për periudhën 19.05.2022 – 18.05.2027.

NENI 11 EKSPERTË KONTABEL TË AUTORIZUAR

1. Në rast nevojë si dhe kur kërkohet nga ligji, kontrolli financiar dhe aprovimi i llogarive vjetore kryhet nga një ekspert kontabel i autorizuar, i emëruar për dy vite financiare me mundësi rizgjedhjeje nga asambleja e përgjithshme me shumicë të zakonshme.



2. Shkarkimi i ekspertit kontabël të autorizuar vendoset në të njëjtat kushte si emërimi i tij, në rast se vërehen gabime, abuzime ose bëhet e pamundur kryerja e detyrës.

NENI 12
E DREJTA E VOTËS

1. Çdo kuotë jep të drejtën e një vote. Çdo ortak votat që ka mund ti japi vetëm në uniformitet.

NENI 13
E DREJTA PËR TË KALUAR REZOLUTË

1. Asambleja e përgjithshme mund të miratojë rezolutë pa plotësuar kriteret e njoftimit në këtë statut apo në ligj. Që të miratohet një rezolutë në mbledhjen e asamblesë së përgjithshme duhet të jenë të pranishëm të gjithë ortakët personalisht dhe ta votojnë atë në mënyrë të unifikuar.

NENI 14
ZHVILLIMI I SHOQËRISË

1. Shoqëria mund të ndryshojë emërtimin e saj, selinë ligjore, objektin, mund të zmadhojë apo të zvogelojë kapitalin themeltar, mund të pranojë ose të largojë ortakë.

NENI 15
MARRËDHENIET E PUNËS NË SHOQËRI

1. Shoqëria do të përpilojë dokumentet përkatëse për punësimin e personave të tretë duke respektuar dispozitat e Kodit të Punës.

NENI 16
VULA E SHOQËRISË

1. Shoqëria ka vulën e saj në madhësi të zakonshme me tekstin përreth saj.

NENI 17
FITIMI I PEROSNALITETIT JURIDIK



1. Shoqëria do të rregullojë veprimtarinë e saj edhe me Statutin e saj, i cili pasi të nënshkruhet nga ortakët themelues do të fitojë personalitet juridik në ditën e regjistrimit në Qendren Kombëtare të Biznesit.

NENI 18
BILANCI DHE FITIMI

2. Viti financiar fillon më datë 1 Janar dhe përfundon më datë 31 Dhjetor të çdo viti.
3. Llogaritë vjetore, inventari, raportet mbi operacionet e vitit financiar dhe raportet e hartuara nga eksperti kontabël, miratohen nga asambleja e përgjithshme e shoqërisë.
4. Miratimi i dokumenteve mbi veprimtarinë vjetore bëhet brenda një afati prej 6 muajsh nga data e mbylljes së vitit financiar.

NENI 19
FUNKSIONIMI I SHOQËRISË

1. Rregullat për funksionimin dhe drejtimin e shoqërisë përveç këtij Akti Themelimi janë të përcaktuara në Statutin e Shoqërisë.



NENI 20
ZGJIDHJA E MOSMARRËVESHJEVE

1. Të gjitha mosmarrëveshjet me organet shtetërore, personat juridike e fizike vendas e të huaj, do të zgjidhen nga Gjykata e Rrethit Gjyqësor Tiranë sipas legjislacionit në fuqi.

NENI 21
DISPOZITA TE TJERA


Ky akt themelimi përpilohet në katër kopje, duke patur secila kopje fuqi të plotë ligjore.

Autorizohet Administratori Indrit SEFA ose personat e autorizuar prej tij për regjistrimin e shoqërisë pranë QKB-së.

Akti i themelimit nënshkruhet rregullisht nga ortakët themelues të Shoqërisë **“DHOMA SHQIPTARE E ARBITRAZHIT” Sh.P.K.**

THEMELUESIT E SHOQËRISË

Indrit SEFA



Se Junior KAZAZI

